


Trikinose: Trikinose nappaataavoq ulorianartoq uumasuniit inunnut tunillaassinnaasoq. Nappaammut pissutaapput rundormelarver trikinenik taaneqartartut, pingaartumik nersutini qaasuttuniittartut soorlu assersuutigalugu nannuni, aaverni, puisini, qimmini qimuttuni, amaqquni teriannissanilu. Trikinosemik tunillatsittoqarsinnaavoq uumasut siuliini taaneqartut neqaannik aapasunik nerigaanni. Neqimik qerititsineq trikininik tunillaajunnaarsitsisanngilaq. Neqimi trikinit qullugiaannik peqarnersoq isaannarmik takuneqarsinnaanngilaq. Trikinernej inummiit inummut tuniluunneq ajorpoq.

Kalaallit Nunaanni inuit trikinoseqartut arlaleriarluni paasineqartarpoq. Trikinosernermut malunniutaasinnaapput inalukkatigut ajornartorsiuteqarneq, kissarulunneq, inuunilunneq nukitsigullu anniarisaqarneq. Isit sinaanni pullattoqarnera takuneqarsinnaakkajuttarpoq. Sakkortuumik tunillatsissimagaanni nukiit taamatuttaaq uummat ilungersunartumik ajoquserneqarsinnaapput.



Trikinip qullugiaa poorsimasoq nannup nukianiittoq. Allisitsiuserluni assiliisoqarsimavoq. Asseq: Uumasunut Nakorsaqaarfik Inuussutissalerinermullu Oqartussaqaarfik / DTU

Sarcocyster: Sarcocyster titarnertut qaortutut amitsutut takussaasarput neqimi qaqorteqqasunut assingullutik. Sarcocyster Kalaallit Nunaata tuttuini nassaarineqarsimapput. Kalaallit Nuaanni inunnik sarcocysterit aqutigalugit tunillatsissimasunik naammattuuisoqarnikuunngilaq, neqilli uulluarsimanngikkaanni tunillatsittoqarsinnaalluni. Timminneq, kissarulunneq, meriarneq, nukitsigut nukillaanganeq nukitsigullu annerisaqarneq tunillatsinnermut takussutaasinnaapput.



Qumaarsussuit: Neqimi mikisutut, qaqortutut ammalortutullu takuneqarsinnaasarpog. Ammalortut qaqortut taakku qumaarsussuup qullugiarai puulinngortut, Taenia krabbei, neqimi toquusarlutik inisseqqasarpog. Qumaarsussuaq inersimasog nersutit qaasuttut soorlu assersuutigalugu teriannissat, qimmit amaqqullu inalugaanniittarpog qullugiaalu tuttut umimmaallu neqaaniissinnaallutik. Taenia krabbei-inik Kalaallit Nunaanni inunnut tunillaattoqarneranik malussartoqarsimanngilaq. Inuit qumaarsussuaqalikkajunnerusarpog puulukip neqaanik, aalisakkanit taserneersunit imaluunniit nersussuit neqaannik nunanit eqqiluisaarnikkut atortuluttuneersunik qalallugit sianneqarsimanngitsunik nerigaangamik. Qumaarsussuit amerlasuut napparsimalernermik ersersitsineq ajorput ilaalli naarlulersitsisinnaappog, merianngulersitsillutik neriumajunnaarsitsillutik akuttusuunillu




sianiutilunnermillu malunniutsitsisinnaallutik.

Tuttup kumai: Tuttup kumaa inersimasog aggustip qaammataani tuttut amianni quperlulioortarpog. Taamaalereerpat quperloq tuttup amia putullugu pulasarpog tassanilu ukiisarluni. Maj/junimi quperlup tuttu qimattarpaa nunamilu puulinngortarluni inersimasunngornissami tungaanut kinguaariiaarnerlu aallaqqaataaniit allarteqqittarlugu. Tuttup kumaa tuttunik puullaqilersitsisarpog sanigortitsisinnaallunilu, soorluttaaq tuttup amianut ajoqusiisinnaalluni. Inuit tuttup kumaasa quperluinik nerinermikkut tunillanneqarsinnaanngillat. Taamaakkaluartoq inuit tunillatsissinnaanerannik allaaserinnittoqarsimavog tuttup kumai inersimasut inuit nujaannut qarluinullu quperlulioortarsimasut.



Tuttup kumaata quperlui tuttumiittut. Assit pillugit. F. Ugarte

Tuttup iggiaata kumaa: Qaammatini juuli-aggustimi tuttup iggiaata kumaata inersimasup quperlut uumasut tutut sorluinut tissalukaartittarpai. Quperlut taamaalereerpat anersaartornermut aqquataasigut ilorpartertarput toqqusaavisalu iluanni nipputtarlutik, tassani ukiisarlutik. Maj/junimi quperlut anillaqqittarput imaluunniit tuttunit suppressaasarlutik. Taamaalereerpat quperlut nunami inersimasunngornissamik tungaanut puulinggortarput kinguaariinnerlu aallaqqaataaniit aallartittarlugu. Tuttup iggiaata kumaa tuttunik puullaqilersitsisarpog sanigortitsisinnaallunilu. Inuit tuttup kumaasa quperluinik nerinermikkut tunillanneqarsinnaanngillat.



Iggissap kumaasa quperlui tuttup iggiaani. Assit pillugit. C.Cuyler / Pinngortitaleriffik

Ima ilioruit napparsimalissanngilatit;

Mianersornissamik tunngaveqarneq aallaavigalugu kaammattuutigineqassaaq nujuartat neqaat 75° Celsiusinut iluunngarlugit kissanegartassasut. Taamatut uunartumiititsineq uumasuaqqanut miluuffigisaminut inuussutilinnut toqoraataassaaq. Neqi naammattumik qalaassaq siatarluunniit qasertumik kajorpasissumilluunniit qalipaateqalersarpoq.

Neqimik qerititsineq, pujoorineq nikkulinerluunniit trikininut, qumaarsussuarnut sarcocysterinulluunniit toqoraataanngillat.

Uumasut nujuartat neqaat qalanegarluarsimanngitsut nunaannarmut qimanneqartassanngillat qimminulluunniit nerukkaatigineqartassanatik. Taakku tamarmik uumasuarsunnik ingerlatitseqqeqataasinnaapput tassami kinguaassiornerminni uumasut qaasuttut (soorlu teriannissat qimillu) silutuumasullu pisariaqartikkamikkit. Illittaaq qimmitit malussarniarfigisassavatit - ilittulli - neqimik tunillannartulimmik nerinermikkut napparsimalersinnaammata.

Neqinik uumasuarsunnik tunillanneqarsimasunik qimatsisariaqalissaguit kaammattuutigineqassaaq ikuallassagitit, minnerpaamik 1 meteritut ititigisumut nunami matuussagitit imaluunniit imaanut kivisissagitit.

Nalorniguit UNIO-mit kaammattuutigaarput neqi nerissanngikkrit.

Inussiarnersumik inuulluaqqusillunga

Kalaallit Nunaanni Uumasunut Nakorsaqaarnermut Inuussutissalerinermullu Oqartussaqaarfik

Apeqqutissat uunga ingerlatinneqassapput:

Kalaallit Nunaanni Uumasunut Nakorsaqaarnermut Inuussutissalerinermullu Oqartussaqaarfik

Noorlernut 4, init quleriit allersaat

3900 Nuuk

Email-adresse: uumasut@nanoq.gl

Oqarasuaatip nr 34 50 00